

সুসংবাদ ও দুঃসংবাদ

কর্ণফুলী রিপোর্ট

সুসংবাদ

বাংলাদেশের ঘাড় থেকে লুটেরা, জালিয়াত ও কুলঙ্গির রাজনীতিবিদদের বোৰা সাময়িকভাবে নেমে গেছে। দেশের আপামর জনসাধারণ এখন মহানন্দে আছে, সৈদ-পুজা কিছুই কাছাকাছি নেই তবুও প্রায় দিনগুলো ওরা মনের সুখে উপভোগ করছেন। পহেলা বৈশাখে কর্ণফুলী পরিবার বিশ্বময় তাদের পাঠক ও শুভানুধ্যায়ীদের কাছ থেকে ইমেইল ও এস.এম.এস এর মাধ্যমে অজস্র শুভেচ্ছা ও আশির্বাদ পেয়েছে। নানাভাবে তারা তাদের অভিব্যাক্তি প্রকাশ করতে চেয়েছে। ঠিক এরকম একজন পাঠক ঢাকা থেকে নববর্ষের শুভেচ্ছার সাথে এস.এম.এস এ একটি মজার রাজনৈতিক ছড়া ইংরেজীতে পাঠিয়েছেন, যা পড়ে তাদের মনের বর্তমানাবস্থা কিছুটা হলেও প্রবাস থেকে অনুধাবন করা যায়।

নেই হসিনা, নেই খালেদা
থেকেও নেই ইয়াজ উদ্দিন
আলোর মশাল হাতে এখন
মশহুদ, মঙ্গলুল, ফকরুন্দীন।
নতুন উষার নতুন আলো
১৪১৪ কাটুক ভালো।

দুঃসংবাদ

কর্ণফুলীর সহকারী সম্পাদক ও নিয়মিত লেখক জনাব জামিল হাসান সুজনের পিতা জনাব খন্দকার আলতাফ হোসেন গত ৮ই এপ্রিল রবিবার প্রায় ৭৮ বছর বয়সে হৃদয়িয়া বন্ধ হয়ে ইন্তেকাল করেছেন (ইন্নালিল্লাহে ওয়া ইন্নালিল্লাহ - -)। মৃত্যুর আগে তিনি বেশ সুস্থ ছিলেন এবং বার্ধক্যজনিত কোন রোগে শয্যাগত ছিলেন না বলে জানা যায়। তাঁকে তার গ্রামের বাড়ী রাজশাহী জেলার মোহনপুর গ্রামে দাফন করা হয়েছে। সুজনের আরো দু ভাই প্রকৌশলী খন্দকার জাহিদ হাসান (শাহিন) ও খন্দকার জিয়া হাসান (তুহিন) বৃহত্তর সিডনীর বাসিন্দা। তাদের আরেক ভাই বাংলাদেশ টেলিফোন বিভাগের একজন উচ্চপদস্থ প্রকৌশলী ঢাকায় অবস্থান করছেন। এখানে উল্লেখযোগ্য যে তাঁদের মা শিক্ষিকা, কবি ও রাজশাহী বেতারের নিয়মিত নাট্যশিল্পী জাহানারা বেগম গত নভেম্বরে ৬৭ বছর বয়সে ইন্তেকাল করেছেন। শোক সন্তুষ্ট এ পরিবারের সকলের প্রতি কর্ণফুলীর আন্তরিক সমবেদনা রইলো।

প্রধান সাম্পাদনওয়ালা